

CANLLAWIAU AR DYNNU LLUNIAU A FFILMIO PLANT

Mae Cymdeithas Bêl-droed Cymru yn deall y gallai rhieni/gwarchodwyr fod eisiau dathlu llwyddiannau eu plentyn ar y maes chwarae drwy dynnu lluniau neu wneud fideos, ac y gall fideos fod yn adnodd hyfforddi defnyddiol i sefydliadau.

Fodd bynnag, rhaid i les y plant dan sylw fod yn ystyriaeth hollbwysig bob amser ac o'r herwydd, rhaid i fesurau diogelu priodol a chymesur fod ar waith.

Mae risgiau anochel wrth gyhoeddi gwybodaeth bersonol am blant gan y gall arwain at allu adnabod y plentyn a'i leoliad, neu mae'n bosibl y gall delweddau gael eu defnyddio mewn modd amhriodol.

Mae'n bwysig cofio nad yw'n drosedd i unrhyw un dynnu llun neu ffilmio ar dir cyhoeddus, hyd yn oed os gofynnir iddynt beidio â gwneud hynny. Os bydd hyfforddiant neu gemau'n cael eu cynnal ar dir preifat, penderfyniad perchennog y tir neu'r cyfleuster yw a fyddant yn caniatáu tynnu lluniau neu ffilmio ai peidio.



Mae Cymdeithas Bêl-droed Cymru yn argymhell bod y camau cyffredinol canlynol mewn lle mewn sesiynau hyfforddi a gemau i sicrhau diogelwch pob plentyn:

- Sicrhau bod y rhiant/gwarcheidwad a'r plentyn dan sylw wedi rhoi eu caniatâd i'r plentyn gael tynnu ei lun/ffilmio drwy ddefnyddio'r ffurflen ganiatâd briodol. Efallai y bydd yn ddefnyddiol casglu hyn ar ddechrau pob tymor.
- Lle bo'n bosib, peidiwch â chynnwys enw'r plentyn mewn llun/fideo, ac yn sicr ni ddylid defnyddio cyfenwau na gwybodaeth fanwl ychwanegol am y plentyn.
- Gwnewch yn siŵr bod y plant wedi gwisgo'n addas a'u bod yn gwisgo cyfarpar diogelwch addas fel gard crimog.
- Os yw plentyn yn eich clwb yn destun achos gofal, gwnewch yn siŵr nad yw ei lun yn cael ei rannu'n gyhoeddus.
- Dim ond caniatáu tynnu lluniau ar y maes chwarae. Ni ddylai tynnu lluniau/ffilmio ddigwydd mewn ystafelloedd newid, cawodydd neu doiledau.
- Os yw unigolyn sy'n ffilmio/tynnu lluniau yn achosi pryder difrifol neu'n ffilmio/tynnu lluniau agos, rhwch wybod i'ch heddlu lleol a Thîm Diogelu Cymdeithas Bêl-droed Cymru.



Canllawiau i rieni, gwarcheidwaid a gwylwyr eraill

- Rhoi gwybodaeth gyswilt Swyddog Diogelu'r Clwb a Rheolwr Diogelu Cymdeithas Bêl-droed Cymru i rieni/gwarcheidwaid petai ganddynt unrhyw bryderon ynghylch defnyddio'r lluniau mewn modd amhriodol.
- Dylai gwylwyr ofyn am ganiatâd gan hyfforddwr/swyddog diogelu'r clwb cyn tynnu lluniau/ffilmio gêm neu sesiwn hyfforddi. Efallai y byddai'n ddefnyddiol rhoi sticer iddynt i ddangos bod caniatâd wedi'i roi.
- Dylid tynnu sylw gwylwyr at ddisgwyliadau'r sefydliadau o ran tynnu lluniau a ffilmio gemau a'r mesurau diogelu y mae'n rhaid cadw atynt.
- Dylai gwylwyr fod wedi cofrestru gyda'r 'Cod Ymddygiad Gwylwyr' sydd ar gael gan www.faw.org.uk/safeguarding
- Dylai hysbysiadau fod yn amlwg mewn gemau neu sesiynau hyfforddi gyda'r geiriad canlynol:
"Yn unol ag argymhellion Cymdeithas Bêl-droed Cymru, mae enw'r clwb yn gofyn i unrhyw un sy'n dymuno cymryd rhan mewn unrhyw fideo, lluniau closio neu agos gofrestru eu manylion gyda phersonél y clwb cyn tynnu unrhyw luniau o'r fath. Os oes gan rieni unrhyw bryder penodol am rywun yn tynnu llun neu'n gwneud fideo o'u person ifanc dylent roi gwybod i'r trefnwyr."

Mae'r hyrwyddwr yn cadw'r hawl i wrthod mynediad i unrhyw un nad yw'n gallu cwrdd ag amodau'r hyrwyddwr neu gadw atynt.

Canllawiau os ydych yn defnyddio Ffotograffwyr Proffesiynol

- Dylid tynnu sylw ffotograffwyr at ddisgwyliadau'r sefydliadau o ran ffotograffiaeth a ffilmio a'r mesurau diogelu y mae'n rhaid cadw atynt.
- Ni ddylid gadael ffotograffwyr heb oruchwyliaeth gyda phlant na chaniatáu iddynt gymryd rhan mewn sesiwn un i un gyda phlentyn.
- Dylid rhoi gwybod i rieni/gwarcheidwaid ymlaen llaw os bydd ffotograffydd proffesiynol yn bresennol, ynghyd â chanllawiau ar gyfer beth fydd y delweddau'n cael eu defnyddio.
- Dylid rhoi gwybodaeth i rieni/gwarcheidwaid yn ymwneud â storio a chadw delweddau.
- Os oes pryderon am ymddygiad amhriodol, dylid rhoi gwybod i Swyddog Diogelu'r Clwb yn y lle cyntaf.
- Dylai'r ffotograffydd gael achrediad priodol cyn cyflawni ei ddyletswyddau.

